



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 1. Fuit illa primitivæ Ecclesiæ praxis; & sic praxis hodierna, ipsâ Ecclesiâ invitâ & tantum connivente, refrigerescente caritate, nec ritè nec legitimè intrusa est.

urn:nbn:de:hbz:466:1-37059

TRIUM - VIRORUM VANA
 videmus & miserabiliter illi deplorant ; formam conni-
 venti piâ Matre Ecclesiâ degenerasse : id autem studiosius
 ut agant novaturientibus labiis unam sonant antiquitatem ;
 Primitivæ Ecclesiæ desiderium , modernæ autem fastidium ,
 Christianorum animis afflare student : subdolum arti-
 ficium , & fallendæ plebi perquam accommodatum.
 Unde id porro hauserint , nescio , id scio , antiquum
 id jam à multis sæculis habuisse Hæreticos unam sonare
 antiquitatem , præsentis autem Ecclesiæ deplorare tene-
 bras. Videri potest Franciscus Simonis de Hæreticorum
 fraudibus parte 2. fraude 4. ubi crudite notat *nomen ipsum*
antiquitatis longe esse aptissimum , *ut errorem populo faciat*
probabilem. Addo ego non aliud versatilis & ad nova
 prurientis ingenii indicium esse manifestius , quam quæ
 vides & habes præsentia temerè fastidire.

§. I.

FUITILLA PRIMITIVÆ
Ecclesia praxis : & praxis hodierna, ipsâ
Ecclesiâ invitâ & tantum connivente,
refrigescente caritate, nec rite nec legitimè
intrusa est.

HUC communi studio , & pari consensu collimant
 Gabriëlis , Macarius , Gummarus : nec rem tantum
 dicunt

ET INFELIX CONCORDIA. 109

dicunt eandem, sed iisdem propè verbis concipiunt: eosdem fucos, & pigmenta adhibent, ut adeo unâ eos manu, uno ligone, cuniculum hunc fodere meritò credas. Videamus. P. Gabriëlis in Morali Diabolica pag. 154. ita sibi objicit: *quod si hæc ita se habent, cur ergo Ecclesia moderna non curat practicari Pœnitentiam, pro quolibet peccato mortali, ante Absolutionem?* ad quam, inquit, *objectionem respondeatur: Ecclesiam in nullo Concilio universalis aut particulari approbasse præsumtum mox absolvendi post confessionem criminum, nullâ præviâ ad Absolutionem factâ Pœnitentiâ.* Locum hunc non admodum Romanis placuisse vel ex eo conficias, quod mitigatus paululum legatur in speciminiibus, post primam eorum condemnationem ab autore correctis, & Romæ excusis, altero tamen postea Romano iterum fulmine perituris. At enim eadem hæc sententia cruda adhuc, nec mitigata perstat iisdem verbis integra in libro D. Havermans, cui titulus *Examen Pentalogi Diaphorici* pag. 297 (idem dicit pag. 429.) cum in nullo Concilio universalis aut particulari modernam administrandi hoc Sacramentum præsumtum (Ecclesia) approbaverit. Et quod in P. Gabriëlis graviter adeò Romanis displicuit etiam mitigatum, & correctum, id iisdem Romanis crudum, & incorrectum in Havermanno placuisse (ut vult scheda funebris) aut placitum putamus? pergit Gabriëlis *sed refrigerente paulatim charitate, à tribus aut quatuor sacerulis*

sæculis antiquus rigor est relaxatus. Et illum etiam locum
correctum dedit Romana editio : at nescit hactenus cor-
rectionem D. Havermans, & *Praxis*, inquit ibidem,
(primitivæ Ecclesiæ) refrigerente Christianorum charitate
in Ecclesia desit à quatuor sæculis circiter. Tuam fidem
Lector, an ovum ovo vidisti similius ? quid autem postea ?
Hanc praxim, inquit fulminatus Gabriëlis, *pia Mater*
Ecclesia filiorum infirmitati indulgens tolerat. Hæc verba
omnia simul ac semel Romana spongia delevit ; interim
nihilo timidius Macarius afferit primitivæ Ecclesiæ praxim
connivente tantummodo Ecclesia desiisse. Manifeste,
opinor hinc datur intelligere non modo Macarium gruis
instar sequi P. Gabriëlis, atque adeò mirum esse si ipsius
doctrina ab omni nævo inventa sit pura , quæ cum
Gabrielianâ prorsus eadem in Gabriélis repetito fulmine
Romanis ignibus bis conflagravit , verum etiam id unum
eos clanculum agere , ut Absolutioni Pœnitentialia & satis-
factoria opera præmittantur. Non id inquires dicunt; fateor,
nam id apertè si dicerent Cunicularii non essent. Sed
amabo quorū hæc omnia ? Ecclesiam in nullo Concilio
universalī aut particulari approbasse praxim mox absolvendi
nulla præviè ad Absolutionem factâ Pœnitentia ? praxim
primitivæ Ecclesiæ & antiquum rigorem refrigerente
paulatim Christianorum Charitate à tribus aut quatuor
sæculis relaxatum in Ecclesiâ desiisse , idque , à connivente
tantummodo piâ Matre Ecclesiâ & filiorum infirmitati
indul-

ET INFELIX CONCORDIA. III

indulgente tolerari. Quorsum inquam hæc omnia, aut quo denique respiciunt? Jam verò nec votum ipsi suum aut desiderium dissimulant, quamquam & dissimulant, nusquam enim aut Vergeriani in conventiculo Gallicano moniti, aut se cunicularios esse obliviscuntur. Tam Sancyrani scilicet & Jansenii semper memores, quam Pontificum & eorum decretorum sæpè obliviousi. Summopere, inquit Macarius, *desideraret moderna Ecclesia, hoc est ipse Macarius) accrescente iterum fidelium charitate antiquam praxim in Ecclesiæ restitui*: præiverat Gabriëlis & suum quoque sub Ecclesiæ nomine desiderium palliarat, in Morali Diabolica pag. 155. (nam in altera eâque à se correcta editione id totum expunctum est; cur expunxerit autem ipse scit, ego facile assequor) *quantum desideraret Ecclesia moderna (nos Patrem Gabriëlis cogitemus) non solum pænitentiam veram peragi, sed pristinum Pænitentiæ ordinem servari.* Quis autem pristinus iste erat Pœnitentiæ ordo? jam ante eum pag. 123. novaturientibus suis Ideis ita conceperat: *ut primo peccator accederet Sacerdotem, eique vulnera sua, seu morbum peccati detegeret, & remedium Pænitentiæ ab ipso peteret, secundo ut Sacerdos peccatori Pænitentiam imponeret: tertio ut peccator pænitens illam impleret: quartò ut Sacerdos pænitentem impletâ pænitentiâ absque relapsu absolveret.*

Accedit centum in locis Eximus Dominus Gummarus & similiter cuniculo huic perficiendo instat: summis labris delibemus aliqua. *Antiquæ pænitentiæ teste Morino, ait circa*

112 TRIUM-VIRORUM VANA

circà finem præfationis Apologeticæ ad tractatum tertium, juxta certos Canones per tredecim, vel ut alii duodecim sæcula, fuerunt observatæ in Occidente, & usque modo servantur in Oriente. Si dixerint (adversarii) has pœnitentias conversis solummodo in satisfactionem fuisse injunctas, ast convertendis nullatenus in præparationem ad suam conversionem, sive ut ad conversionem ritè disponerentur: si, inquam, hoc dicant, nullo negotio redarguuntur: nihil enim clarus vel insufficienti solum antiquos Canones: ecce unum è mille cui in Conc. Tolet. III. subscripserunt Hispaniarum & Gallicæ Episcopi: & idem clarus in imbelli Apologiâ pag. 9. quod Pœnitentiæ Canonum solerent Absolutionem Sacramentalem antecedere, probat imprimis Canon. XI. Conc. Tol. III. & pag. 2. ex hoc, inquit, Canone habetur quod Concilium istud doceat hanc (QUOD NIMIRUM PŒNITENTIA PRÆCEDAT RECONCILIATIONEM) esse formam Antiquorum Canonum: quare non putem necessum, ut plures Canones allegem ad probandum falsitatem hujus & similiū assertorum ab Autore Responsionis brevis: negatur quod in præsca Ecclesia tot annorum pœnitentiæ debuerint præcedere Absolutionem Sacramentalem: item ex Canonibus Pœnitentialibus ad summum habetur, quod ipsorum tempore non dabatur Communio, nisi prævia longa pœnitentia; & addit: ita quidem ut illa Pœnitentia Absolutionem præcedere non debuerit: impotentius in adversarium fertur pag. 12. dixerit adhuc Rev. Vesta quod

ET INFELIX CONCORDIA. 113

quod Canones Pœnitentiales tantum præscriperint pœnitentias pro foro externo: addat si ausit quod solum pro peccatis publicis. Afferat insuper sine notâ imperitiæ, quod Pœnitentiæ dumtaxat debuerint peragi post Absolutionem Sacramentalem. Et paulo post, an ipsam Ecclesiam argues, quod peccatorem perceptâ voce DOLEO, aut SINGULIENTEM, non illico absolverit?

Expectas hîc fortè, Lector, & locus certè admonere videtur, ut primitivam Ecclesiam, & antiquum Sacramenti Pœnitentiæ usum ab eorum mendaciis vindicem; sed id ego sequenti Capite commodius actu-rus, aliud nempè in præsentia habeo propositum, & cuniculos hoc Capite, non mendacia detegens, quod ad propositum nunc quidem satis est, quid dicant, non quam falsa dicant considero, & eorum sagaciter vestigia attendens, quo denique vadant, non quam turpiter claudicent, observo.

In hanc ergo sententiam Trium-Viri nostri digni sanè Sancyrano Magistro discipuli iisdem propè, ut vidimus, verbis, & eadem formulâ jurant: jam inde à primo sui exordio Ecclesiam per duodecim circiter saecula Absolutioni Sacramentali pœnitentias Canonicas præmisisse, & à tribus dumtaxat aut quatuor saeculis, refrigescente paulatim Christianorum caritate, antiquum illum Pœnitentiæ rigorem relaxatum in Ecclesia paulatim desisse; atque adeò novellam modernæ Ecclesiæ praxim ab antiqua illa duodecim saeculorum

P

Sacra-

114 TRIUM-VIRORUM VANA

Sacramenti administratione longis distare intervallis, atque hanc quidem novitiam methodum non approbante Ecclesiâ inductam, sed connivente & filiorum infirmitati piæ instar Matris indulgentे, & *tenellius* (ut anno 1672. ante Trium-Viros loqui placuit autori compendiosæ deductio-
nis pagina 78.) *filiis ab blandiente intrusam*, usque adeò coactè tolerari, ut summoperè interim desideret, anti-
quum illum, & pristinum Pœnitentiaꝝ ordinem, accres-
cente iterum fidelium caritate restitui, & ad primum suum vigorem postliminiò revocari. Atqui hoc est quod initio articuli dicebam ipsum, & nunc in causa manere velim ex Vergeriana Trium-Virorum nostrorum mentè
Absolutionem sacramentalem dandam non esse nisi pœnitentialia prævie et satisfactoria opera ipse poenitens rite præstiterit.

§ 2.

UNIVERSIM OSTENDITUR
*quid cuniculi lateat sub specioso primitiva
 Ecclesia nomine.*

Non obscuram §. præcedenti facem accendimus ad has & similes tenebricosas primi cuniculi latebras illustrandas; qui enim id eos unicè optare sub Ecclesiæ nomine, & desiderare audivimus, ut antiquâ Ecclesiæ praxi restituâ pristinus Pœnitentiaꝝ ordo etiam hodièdum servetur,
 dubi-